

# SAMÞYKKT

## fyrir Veidifélag Efri-Þjórsár.

### 1. gr.

Félagið heitir Veidifélag Efri-Þjórsár.

### 2. gr.

Heimili þess og varnarþing er í Rangárvallasýslu.

### 3. gr.

Félagssvæðið tekur til árinna frá Búrfellsstíflu (Ísakoti) og upp ána að Hreysiskvísl, ásamt ám og lækjum sem í Þjórsá falla á þessu svæði. Einnig nái félagið yfir Sultartangalón og Tungnaá að Kláfferju hjá Haldi. Aðild að félaginu eiga allar jarðir í eftirtöldum hreppum: Ásahreppi, Djúpárhreppi, Holtahreppi, Landmannahreppi, ásamt Næfurholti og Hólum í Rangárvallahreppi í Rangárvallasýslu og Gnúpverjahreppi í Árnessýslu.

### 4. gr.

Verkefni félagsins er að rækta upp fisk á félagssvæðinu og ráðstafa veiði eftir því sem aðalfundur ákveður hverju sinni. Félagið tekur til allrar veiði á félagssvæðinu.

### 5. gr.

Stjórn félagsins skipa fimm menn, formaður og fjórir meðstjórnendur og skulu þeir kosnir þannig, að Ásahreppur og Djúpárhreppur eigi einn stjórnarmann hvor, Holta- og Landmannahreppur ásamt Hólum og Næfurholti í Rangárvallahreppi, eigi einn stjórnarmann sameiginlega og Gnúpverjahreppur tvo stjórnarmenn.

Stjórnarmenn skulu kosnir á aðalfundi til þriggja ára í senn. Ganga þeir úr stjórninni á víxl þannig að formaður gengur úr eftir eitt ár, tveir meðstjórnendur eftir tvö ár og hinir eftir þrjú ár og helst svo sama röð áfram, þó þannig að stjórnarmenn úr Gnúpverjahreppi gangi ekki úr samtímis.

Stjórnin skiptir sjálf með sér verkum. Enginn atkvæðisbær félagsmaður getur skorast undan kosningu, nema sérstök forföll heimili eða hann/hún hafi setið í stjórn í eitt kjörtímabil. Kjósa skal fimm varamenn eftir sömu reglum og aðalmenn og kjósa skal tvo endurskoðendur, sinn úr hvorri sýslu, til tveggja ára í senn og ganga þeir úr til skiptis.

### 6. gr.

Stjórn félagsins hefur á hendi allar framkvæmdir félagsins milli aðalfunda. Hún fær fólk til aðstoðar við þau störf í þágu félagsins sem vinna þarf á hverjum tíma og semur við það um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins. Óheimilt er öllum að veiða á félagssvæðinu nema með sérstöku skriflegu leyfi félagsstjórnar. Í leyfinu skal tekið fram um veiðitíma, veiðitæki og á hvaða kjörum leyfið er veitt.

### 7. gr.

Aðalfundur skal halda eigi síðar en í apríl ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi næsta árs. Þá skal stjórnin leggja fram endurskoðaða reikninga félagsins og úrskurðar fundurinn um þá.

### 8. gr.

Reikningsár félagsins er almanaksárið. Stjórninni ber að færa reikningana í gerðarbók sem henni er skylt að halda og samþykktir félagsins, félagaskrá, arðskrá, fundargerðir og bréf.

## 9. gr.

Arði af sameiginlegri veiði skal skipt niður á félagsmenn eftir arðskrá.

## 10. gr.

Félagsmenn greiði gjöld til félagsins í sömu hlutföllum og þeir taka arð.

## 11. gr.

Brot á samþykkt þessari varða sektum samkvæmt XVI. kafla laga nr. 76/1970 um lax- og silungsveiði.

Samþykkt þessi staðfestist hér með samkvæmt 52. gr. laga nr. 76 25. júní 1970 um lax- og silungsveiði til þess að öðlast þegar gildi og birtist til eftirbreytni öllum þeim sem hlut eiga að máli.

*Landbúnaðarráðuneytið, 1. desember 1992.*

**Halldór Blöndal.**

*Jón Höskuldsson.*

**SAMÞYKKT****um búfjárhald í Patrekshreppi.**

## 1. gr.

Í Patrekshreppi er búfjárhald óheimilt utan lögbýla. Hreppsnefnd getur þó veitt leyfi til búfjárhalds gegn þeim skilyrðum sem um getur í samþykkt þessari. Umsókn um leyfi til búfjárhalds skal senda til hreppsnefndar ásamt yfirlýsingu um að búfjárhaldið sé að öllu leyti á ábyrgð umsækjanda. Umsækjandi skal jafnframt hafa tryggt sér land til upprekstrar.

## 2. gr.

Lausaganga hrossa, nautgripa og annars búfjár, hverju nafni sem nefnist, er óheimil í Patrekshreppi án leyfis hreppsnefndar. Þá er hreppsnefnd hvenær sem er heimilt að banna alla umferð með hross um þéttbýli.

## 3. gr.

Öll gripahús skulu byggð úr þannig efni, að auðvelt sé að halda þeim snyrtilegum og að búfénu líði vel í þeim. Húsum skal haldið vel við, þau máluð að utan og haldið hreinum. Tað og annan úrgang frá búfénu skal fjarlægja.

## 4. gr.

Hreppsnefnd skal veita leyfi til búfjárhalds hverjum þeim sem ekki hefur gerst brotlegur við meðferð búfjár. Ef leyfishafi brýtur reglur um meðferð búfjár, t.d. gætir þess ekki á fullnægjandi hátt, skal afturkalla leyfið að undangenginni aðvörun.

## 5. gr.

Búfjárefniritilsmaður hreppsins annast eftirlit með búfjárhaldi og skal hann leiðbeina og áminna, eftir atvikum, þá búfjáreigendur sem gerast brotlegir við framangreindar reglur. Lausagöngufénað skal handsama og skrá. Skytt er eigendum að sækja gripi sína og greiða áfallinn kostnað og tjón, þar með talinn kostnað við handsömun gripanna.